

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 36. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 14. sjednici, održanoj dana 29.01.2024. godine, d o n o s i

ODLUKU

**o usvajanju Programa utroška sredstava Ministarstva za obrazovanje, nauku, kulturu i sport,
sa pozicije „Rekonstrukcija i investiciono održavanje“,
Budžeta Zeničko-dobojskog kantona za 2024. godinu**

Član 1. (Predmet)

Usvaja se Program utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 821600, pozicija „Rekonstrukcija i investiciono održavanje“, Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u ukupnom iznosu od 1.800.000,00 KM (slovima: milionosamstohiljada konvertibilnih maraka) i čini sastavni dio ove odluke.

Član 2. (Način realizacije sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-1885/24
Datum, 29.01.2024. godine
Z e n i c a

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.

P R O G R A M

**utroška sredstava u razdjelu 22 - Ministarstvo za obrazovanje, nauku, kulturu i sport,
budžetska organizacija 01, potrošačka jedinica 0001, ekonomski kod 821600,
pozicija „Rekonstrukcija i investiciono održavanje“,
Budžeta Zeničko-dobojskog kantona za 2024. godinu**

Član 1.

Svrha programa je da se sredstva u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 821600, pozicija „Rekonstrukcija i investiciono održavanje“, Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), odobravaju javnim obrazovnim ustanovama za rekonstrukciju, sanaciju i investiciono održavanje objekata u 2024. godini, pojedinačnim Odlukama Vlade Zeničko-dobojskog kantona o preraspodjeli sredstava, a u cilju stvaranja neophodnih uslova za unapređenje odvijanja nastavnog procesa u javnim obrazovnim ustanovama sa područja Zeničko-dobojskog kantona.

Član 2.

Visina sredstava utvrđenih ovim programom iznosi 1.800.000,00 KM (slovima: milionosamstohiljadakonvertibilnihmaraka).

Član 3.

Izvor sredstava je Budžet Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), razdjel 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 821600, pozicija „Rekonstrukcija i investiciono održavanje“, Izdaci iz budžeta – izvor 10.

Član 4.

Korisnici sredstava sa ove pozicije su javne obrazovne ustanove sa područja Zeničko-dobojskog kantona koje su podnijele zahtjev Ministarstvu za obrazovanje, nauku, kulturu i sport za odobrenje sredstava za rekonstrukciju, sanaciju i investiciono održavanje objekata u 2024. godini.

Član 5.

Kriterij za raspodjelu sredstava: Sredstva utvrđena ovim Programom u ukupnom iznosu od 1.800.000,00 KM (slovima: milionosamstohiljadakonvertibilnihmaraka), odobrat će se osnovnim i srednjim školama i fakultetima sa područja Zeničko-dobojskog kantona za potrebe rekonstrukcije, sanacije i investicionog održavanja objekata u 2024. godini pojedinačnim odlukama Vlade Zeničko-dobojskog kantona o preraspodjeli sredstava, a sa ciljem unapređenja odvijanja nastavnog procesa u javnim obrazovnim ustanovama na području Zeničko-dobojskog kantona.

Navedene sredstva realizovat će se dijelom iz budžetskih sredstava i dijelom iz sredstava primljenih tekućih transfera Vlade Federacije BiH (potpore iz Budžeta Federacije BiH), u skladu sa Odlukom o visini i namjeni utroška sredstava, koju donosi Vlada Zeničko-dobojskog kantona.

Član 6.

Obrazovne ustanove kojima su odobrena sredstva prema članu 4. i 5. ovog Programa, dužne su da Ministarstvu za obrazovanje, nauku, kulturu i sport dostave izvještaje o namjenskom utrošku odobrenih sredstava najkasnije u roku od 15 dana od dana utroška istih.

Član 7.

O utrošku sredstava po ovom Programu, Ministarstvo za obrazovanje, nauku, kulturu i sport

je dužno polugodišnje izvještavati Vladu Zeničko-dobojskog kantona.

Član 8.

Za realizaciju ovog Programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

**GENERALNI PLAN KORIŠTENJA SREDSTAVA SA POZICIJE
„REKONSTRUKCIJA I INVESTICIONO ODRŽAVANJE“ ZA 2024. GODINU**

R. br.	Korisnici sredstava	Svrha korištenja sredstava	Odobreni godišnji iznos	Realizacija sredstava
1.	Javne obrazovne ustanove (osnovne škole, srednje škole i fakulteti) sa područja Zeničko-dobojskog kantona	Rekonstrukcije, sanacije i investiciono održavanje objekata u 2024. godini, a u cilju stvaranja neophodnih uslova za unapređenje odvijanja nastavnog procesa u javnim obrazovnim ustanovama sa područja Zeničko-dobojskog kantona	1.800.000,00 KM	Ukupan godišnji iznos će biti odobran obrazovnim ustanovama pojedinačnim odlukama Vlade Zeničko-dobojskog kantona o preraspodjeli sredstava za 2024. godinu

PREMIJER

Broj: 02-11-1885/24
Datum, 29.01.2024. godine
Z e n i c a

Nezir Pivić

DOSTAVLJENO:
1x Ministarstvo za obrazovanje, nauku, kulturu i sport,
1x Ministarstvo finansija,
1x „Sužbene novine Zeničko-dobojskog kantona“,
1x a/a.